



Кун нафаси

Мамлакатимизга Афғонистон Соғлиқни сақлаш вазирлигининг 20 нафар масъул ходими ва шифокоридан иборат делегация ташриф буюрди.

Хайрулло Бозоровга «Маданият ва санъат фидокори» кўкрак нишони топширилди.

Нурафшон шаҳрида жойлашган Ёшлар маркази биносида «Нурафшон ёшлар медиа-студия»си иш бошлади.

Нукус гарнизони Маънавият ва маърифат марказида Қорақалпоғистон Республикаси ҳамда Фарғона вилояти ёшлари ўртасида «Вилоятдаги тенгдошим» номли учрашув бўлиб ўтди.

Мирзаободда «Ким ватанга содиқ бўлса мендурман ўша!» шиори остида тадбир ўтказилди.

Пойтахтимиздаги «Ишга марҳамат» мономарказида Бандлик ва меҳнат муносабатлари вазирлиги ҳамда Ўзбекистон Республикасининг хорижий давлатлардаги дипломатик ваколатхонаси раҳбарлари учрашуви бўлиб ўтди.

Россиянинг Сочи шаҳрида бокс бўйича ўтатилган «Лига Ставок» турнирида ҳамюртимиз Шукржон Раҳимов россиялик Ара Габоянни 4 раундда очколар ҳисобида мағлубиятга учратди. Турнир доирасида яна бир боксчимиз Одилжон Аслонов мезбонлар вакили Андрей Ефременкога ҳеч қандай имконият қолдирмади ва **ғолиб, дея эътироф этилди.**

Наманганда умумтаълим фанлари бўйича Республика фан олимпиадасининг вилоят босқичи бошланди.

Гулистон шаҳрида умумтаълим муассасаларининг 9-11-синфлар ўқувчилари, академик лицей ва касб-хунар мактабларининг I-II-босқич ўқувчилари ўртасида Республика фан олимпиадасининг III Сирдарё вилояти босқичига старт берилди.

Гулистон тумани сектор раҳбарлари қишнинг совуқ кунларида туман марказидаги «Дўстлик» ва «Аҳиллик» маҳалла фуқаролар йиғинларида истиқомат қилувчи ижтимоий ҳимояга муҳтож, эҳтиёжманд, ногиронлиги бўлган, «Темир дафтар», «Аёллар дафтари» ва «Ёшлар дафтари»да рўйхатга олинган оилалар ҳолидан хабар олди.

Кармана тумани аҳоли бандлигига кўмаклашиш маркази томонидан Ҳазора касб-хунар техникумида 1-сектор ҳудудига қарашли «Ҳазора», «Паҳлавон», «Малик» ва «Дегарон» маҳаллаларида яшовчи «Аёллар дафтари»га киритилган бандлиги бўлмаган фуқароларни касб-хунарга ўқитиш жараёнлари бошланди.

Қорақалпоғистон Республикаси

«ОҚ КЕМА»да мароқли таътил




Мақтаб ўқувчилари учун қишки таътил пайтида оромгоҳда соғломлаштириш Қорақалпоғистонда илк бор йўлга қўйилмоқда.

2021 йил 2-9-январь кунлари оралиғида Қорақалпоғистон қасаба уюшма ташкилотлари бирлашмаси кенгаши Мўйноқдаги «Оқ кема» болалар оромгоҳи ва соғломлаштириш марказида 7-14 ёшдаги 103 нафар бола учун қишки таътил ташкил қилди. Оромгоҳ бир навбатда 250 нафар болани қабул қилишга мўлжалланган. Ўтган йил ёзги мавсумда 515 нафар бола дам олди. Марказда болалар ётоқхоналари барча жиҳозлар билан таъминланган. Жисмоний тарбия машғулоти учун футбол, баскетбол, волейбол майдончалари ва болалар сзуиш бассейни бор. Стол тенниси, шахмат-шашка ўйинлари учун жойлар ажратилган. Маданий тадбирларни уюштириш учун амфитеатр, кутубхоналар мавжуд. Тиббиёт хоналари, ошхоналари замонавий ускуналар билан таъминланган. Ҳар бир куннинг мазмунли ўтиши учун барча шароитлар яратилган, дейди оромгоҳ директори Зерхан Сайтбекова. Болалар хоналарига фақат ухлаш учун киряпти. Ҳар хил мусиқий тадбирлар, спорт мусобақалари, танловлар болажонларга жуда манзур бўляпти. Ўзбекистон қасаба уюшмалари Федерацияси томонидан бунёд этилган мазкур масканда соғломлаштириш тадбирларининг бир навбати ёзги мавсум учун 12 кунга мўлжалланган, қишки мавсум учун эса 1 ҳафта этиб белгиланган.

Есимхон ҚАНОАТОВ,
«ISHONCH»

Қишки соғломлаштириш



Саёҳат

УЛАР «АЁЛЛАР ДАФТАРИ»ДА ҚАЙД ЭТИЛГАН ЭДИ...

Фарғона вилояти қасаба уюшма ташкилотлари бирлашмаси ҳамда Маҳалла ва оилани қўллаб-қувватлаш бошқармаси ташаббуси билан вилоятдан 54 нафар хотин-қиз Хоразм вилоятига саёҳатга юборилди.

Қайд этиш жоизки, саёҳатга чиққан аёллар Республика ишчи гуруҳининг хотин-қизлар муаммоларини ўрганиши давомида «Аёллар дафтари»га киритилган эди.

Жамшид ЭРГАШЕВ,
«ISHONCH»

ОЛИЙ МАЖЛИС СЕНАТИДА

2021 йил 6 январь куни Тошкент шаҳрида Олий Мажлис Сенатининг ўн биринчи ялпи мажлиси бўлиб ўтди.

Ялпи мажлисда сенаторлар томонидан 5 та масала, шу жумладан, 3 та қонун муҳокама қилинди.

Дастлаб сенаторлар томонидан Ўзбекистон Республикаси Президенти Шавкат Мирзиёевнинг Олий Мажлисга Мурожаатномасида белгиланган устувор вазифалар тўғрисидаги масала кўриб чиқилди.

Ялпи мажлисда сенат аъзолари: «Ўзбекистон Республикасининг Конституциясига ўзгартишлар киритиш тўғрисида»ги қонунни; «Ўзбекистон Республикасининг Шаҳарсозлик кодексини тасдиқлаш ҳақида»ги қонунни; «Маданий фаолият ва маданият ташкилотлари тўғрисида»ги қонунларни маъқуллади. Ялпи мажлисда Олий Мажлис Сенати Кенгашининг қарорлари ҳам тасдиқланди. Олий Мажлис Сенатининг ўн биринчи ялпи мажлиси ўз ишини аяқлади.

Сенат Ахборот хизмати хабарлари асосида тайёрланди

Иқлим



Қишнинг яна БИР ҒАЙРИОДДИЙ «ХУНАРИ»

Аёз... Аёз... Жойларда қорли туман ёғади...

Шу кунларда юртимиз аҳли табиатнинг бетакрор мусаввирлигига гувоҳ бўлмоқда. Забтига олган қиш чилласи ўзининг ғаройиб ҳодисаларини намоён этмоқда. Аксарият юртдошларимиз оппоқ қор каби булдуруқ жозибаси ва унинг аччиқ совуғидан баҳраманд бўлмоқда.

«Ўзгидромет»нинг маълум қилишича, сўнги кунларда юртдошларимиз табиатнинг яна бир ғайриоддий ҳодисасини кузатиши мумкин – қор донлари худди тумандан тушгандек ёғади.

Бу ҳодиса Ўзбекистонда ниҳоятда кам учрайди, кўпинча у қиши барқарор совуқ ҳудудларда кузатилади.

Ушбу ҳодисанинг вужудга келиш сабаби шундаки, у Сибир совуқ антициклонининг таъсиридан келиб чиқади. Одатда, бундай синоптик вазиятда ёгингарчилик кузатилмайди.



ЭЗГУЛИК ВА БУНЁДКОРЛИК ХАРИТАСИ

Президент Шавкат Мирзиёевнинг Мурожаатномасини ўқиб...

2-3



СОКИН момақалдирик

4-саҳифада ўқинг...

<https://t.me/platformauzb>

Балет ва Навоий: боғлиқлик нимада?

Бугун-эрта Алишер Навоий номидаги давлат академик катта театри олдида очилган муз майдони (каток) ишга туширилди...

Энди бу масалага алоқаси бўлмаган бир мулоҳаза. Ярим яланғоч эркаг-у аёллар рақс тушадиган, бир санъат жанри сифатида миллиятимизга унчалик алоқаси бўлмаган шу опера ва балет театрига нима учун бобомиз Мир Алишер Навоий номи берилган экан, ҳеч тушунмайман...

Миллатпарвар бу сўфийнинг номи билан балетга аралаштирсак, ҳасос руҳониятидаги ўлмас алангани бироз бўлса-да сўндирамиз, уни халқнинг қалбидан узоқлаштирамиз, деб ўй...

лашганмикан, комфиркадагилар? Бўлмаса, Нақшбандия тариқатининг энг йирик вакили номи



бундай жойларга тиркашдан маъно-мазмун нимада? @platformauzb

КЕЛГУСИ
СОНЛАРДА ўқинг...

Келинлар либоси
миллийлашса...

Қасаба уюшма розилигисиз
ипдан бўшатилган эди...

Буйруққа
айланган тавсия

